

廿六

六科准繩



防風各去蘆

川芎各二兩

右為咬咀每服五錢水二盞煎至一盞半去滓溫服無時日進二服

乾葛湯深師療產後中風口噤不能言

獨活去蘆二兩

乾葛一兩半

甘草半兩炙

生薑一兩二錢半

右為咬咀每服一兩水二盞

盞煎至一大盞去滓溫服無時

天麻散 治產後中風口噤

天麻七錢半

白附子炮

天南星炮

半夏湯洗七遍去滑薑製

乾蠍炒各半兩

右為細末每

服一錢生薑薄荷酒調下幹開口灌之不拘時

當歸散 治婦人產後中風牙關緊急不省人事口吐涎沫手足痲癱

當歸去蘆

荆芥穗各等分

右為細末每服二錢水一盞酒半盞煎至一盞灌之如牙關緊急

幹開微微灌之但下咽即生屢用救人大有神效

伏龍肝散 治產後中風口噤不能語言腰背疼痛

伏龍肝一兩半

乾薑半兩炮

為細末每服二錢溫酒調下不拘時日進二服

交加散 治產前後百病兼治榮衛不通經脈不調腹中撮痛氣多血少結聚為瘕產後中風並宜服之



生地黃一升研取自然汁

生薑十二兩研取自然汁

右先將地黃汁炒生薑澤生薑汁炒地黃澤各稍乾焙為細末

每服三錢溫酒調下尋常腹痛亦宜服產後尤不可離

〔角弓反張〕大 夫產後角弓反張者是體虛受風風入諸陽之經也人陰陽經絡周環於身風邪乘虛入於諸陽之經則腰背反折攣急如角弓之狀也 〔薛〕前證因氣血耗損腠理不密汗出過多而患之者乃虛象也宜固氣血為主佐以本方丹溪云產後當大補氣血為先雖有他證以未治之如惡寒發熱等證乃氣血虛甚之極也宜大劑參耆歸朮肉桂以培養之如不應急用炮附子再不應用人參一兩炮附子二三錢名參附湯如猶未應乃藥力未能及也宜多用之

愈風散 當歸湯 羌活酒並見前

羚羊角散 治產後中風身體反張

羚羊角屑

當歸各七錢半

獨活

防風各去蘆

麻黃去節各一兩

人參去蘆

赤芍藥

細辛去苗

桂心各半兩

右為咬咀每服八錢水一大盞

半生薑五片煎至一大盞去滓溫服不拘時

小品療產後中風虛人不可服他藥者一物獨活湯主之及一物白鮮湯主之亦可與獨活合煮之

川獨活三兩細切

右水三升煮取一升分服耐酒者亦可酒水煮

一物白鮮湯 用白鮮皮亦依獨活法

產後中風痙口噤面青手足急強者 以竹瀝二升分爲五服溫溫頻服大效

治產後中風角弓反張口噤不語方

川烏

五兩剉如豆大

右取黑豆半升同炒半黑以酒三升傾於鑊內急攪以絹濾取酒微溫服一小盞取

汗若口不開者幹開口灌之未效加烏雞糞一合炒熟入酒中服之以瘥爲度

千金雞矢醴 療產後中風及男子諸風并產後百疾神效方又治產後中風口噤拘急困篤腰背強直

時時反折

烏雞屎二升

大豆二升

右先炒豆令聲絕次炒雞屎令黃以酒一升先淋雞屎取汁淋大豆

每服一升重者凡四五服極妙

張文仲 療產後中風風痙偏身冷直口噤不識人方白朮

四兩細切

以酒三升煮取一升頓服效

〔汗出多而變痙大〕 產後血虛腠理不密故多汗因遇風邪搏之則變痙痙者口噤不開背強而直如

發痙狀搖頭馬鳴身反折須臾又發氣息如絕宜速幹口灌小續命湯稍緩卽汗出如雨手摸空者不可



治也〔薛〕產後發瘧因去血過多元氣虧極或外邪相搏以致牙關緊急四肢瘧強或腰背反張肢體抽搐若有汗而不惡寒者曰柔瘧若無汗而惡寒曰剛瘧然產後患之實由亡血過多筋無所養而致故傷寒汗下過多潰瘍膿血大泄多患之乃敗證也若大補血氣多保無虞若攻風邪死無疑矣二產婦牙關緊急腰背反張四肢抽搐兩目連劄余以爲去血過多元氣虧損陰火熾盛用十全大補加炮薑一劑而甦又數劑而安余在吳江史萬湖第八更時聞喧嚷云某家人婦忽仆牙關緊急已死矣詢云是新產婦出直廚余意其勞傷血氣而發瘧也急用十全大補加附子煎滾令人推正其身一人以手夾正其面却空開其口將藥灌之不嘔藥已冷令側其面出之仍正其面復灌以熱藥又冷又灌如此五次方嚙下隨灌以熱藥遂甦夷堅志云杜壬治郝質子婦產四日瘧癰戴眼弓背反張壬以爲瘧病與大豆紫湯獨活湯而愈政和間余妻方分娩猶在蓐中忽作此證頭足反接相去幾二尺家人驚駭以數婢強拘之不直適記所云而藥草有獨活乃急爲之召醫未至連進三劑遂能直醫至卽愈矣更不須用大豆紫湯古人處方神驗屢矣

小續命湯 治產後中風及剛瘧柔瘧

陳臨川云雖然陳無擇評曰產後汗出多變瘧亦令服續命湯此又難信旣汗多如何更服麻黃官桂

防己黃芩輩不若大豆紫湯為佳局方大聖散亦良藥也愚觀朱奉議云凡剛柔二瘧小續命湯並可加減與之若柔瘧自汗者去麻黃加葛根之說朱奉議必有所據雖大豆紫湯大聖散良亦不可偏見曲說有妨古人之意

大豆紫湯

治中風頭眩惡風自汗吐冷水及產後百病或中風痲痺背強口噤直視煩熱脈緊大者不

治

小品方主產後中風困篤背強口噤或但煩躁或頭身皆重或身重癢發嘔吐直視並宜服之

川獨活

去蘆一兩半

大豆 半升

酒 三升

右先用酒浸獨活煎一兩沸別炒大豆極焦烟出急

投酒中密封候冷去豈每服一二合許得少汗則愈日進十服此藥能去風消血結如妊娠折傷胎死腹中服此得瘥

陳臨川云凡產後口噤腰背強直角弓反張皆名曰瘧又名曰瘧古人察有汗無汗以分剛柔陰陽而治今產寶諸書有中風口噤一門又有角弓反張一門其實一也如增寒發熱有類傷寒皆不論及豈可以一二藥治之

大豆湯

治產後中風發則仆地不省人事及妊娠挾風兼治蓐草之間諸般病證

大豆

五升炒黃

獨活

去蘆

葛根 各八兩

防己

去皮六兩

右咬咀每服五錢酒二盞煎至

一盞半去滓溫服不拘時日三服

羚羊角飲子 治產後氣實腹中堅硬兩脅脹滿心中煩熱渴欲飲水欲成剛瘕中風之疾

羚羊角半兩 鎊

防風

羌活

桔梗並去 蘆

敗醬各八錢

桂心

柴胡去蘆

大黃

浸過煨各 一兩二錢

為咬咀每服五錢水一大盞半同煎至一盞去滓

溫服不拘時更服地黃酒用地黃切一升炒令黑磁瓶中下熱酒三升密封口煮令減半任意服之

防風當歸散

防風

當歸

川芎

地黃各一兩

右剉每服一兩水三盞煎至二盞溫服

婁氏云續命湯大豆紫湯舉鄉古拜散太陽厥陰藥也邪實脈浮弦有力者固宜但產後血氣太虛之人不宜輕發其表但用防風當歸散治之為妙

瘕瘕

〔薛〕瘕者筋脈拘急也瘕者筋脈弛縱也經云肝主筋而藏血蓋肝氣為陽為火肝血為陰為水前證因產後陰血去多陽火熾盛筋無所養而然耳故癰疽膿水過多金瘡出血過甚則陽隨陰散亦多致此治法當用八珍加丹皮釣藤以生陰血則陽火自退諸證自愈如不應當用四君芎歸丹皮釣藤以補脾土



蓋血生於至陰至陰者脾土也故小兒吐瀉之後脾胃虧損亦多患之乃虛象也無風可逐無痰可消若屬陽氣脫陷者用補中益氣加薑桂陽氣虛敗者用十全大補加桂附亦有復生者此等證候若肢體惡寒脈微細者此爲真狀若脈浮大發熱煩渴此爲假象惟當固本爲善若無力抽搐戴眼反折汗出如珠流者皆不治 一產婦因勞兩臂不能屈服蘇合香丸肢體痿軟汗出如水余謂前藥辛香耗散真氣腠理虛而津液妄泄也先用十全大補湯加五味子補實腠理收斂真氣汗頓止又佐以四君子調補元氣漸愈用逍遙散大補湯調理而痊 一產婦先胸脅乳內脹痛後因怒口噤吐痰臂不能伸小便自遺左三部脈弦余謂此肝經血虛而風火所致不能養筋先用加味逍遙散治之臂能屈伸又以補肝散六味丸諸證悉愈 一婦人發癰遺尿自汗面赤或時面青飲食如故肝脈弦緊余曰此肝經血燥風熱名癰也肝主小便其色青入心則赤法當滋陰血清肝火遂用加味逍遙散不數劑諸證悉退而安 一婦人產後血風患此以小續命湯數服而安

產後因虛傷風癰癰同傷寒表證未傳入裏宜服防風湯

防風湯 治風虛發熱項背拘攣關節不隨恍惚狂言來去無時不自覺悟亦治腳氣緩弱甚效此藥溫

和不虛人

秦朮 去苗土

獨活 去蘆

麻黃 去節

半夏 湯洗七次切片

防風 去蘆各二兩

升麻

防己

白朮

石膏 煨

芍藥 白者

黃芩

甘草

當歸 去蘆

遠志 去骨

人參 去蘆各一兩

右爲粗末入半夏片令勻每服四錢水二盞生薑

七八片煎至一盞去滓取清汁六分入麝香末少許食後臨臥帶熱服

海藏愈風湯

卽華陀愈風散

交加散 卽當歸散並見產後中風

增損柴胡湯 治產後感異證手足牽搐涎潮昏悶

柴胡 三錢

黃芩 一錢二分

人參

甘草 炙

半夏 各一錢半

知母 一錢

石膏 二錢

黃耆 二錢半

右咬咀分二服水二盞薑三片棗二枚煎八分不拘時服

秦朮湯 前證已去次服此藥去其風邪

秦朮

芍藥

柴胡 各一錢七分

甘草 炙一錢三分

黃芩

防風 各一錢二分

人參

半夏 各一錢

右爲咬咀分二貼每貼水二盞薑三片煎八分食遠服

拘攣

〔大〕產後中風筋脈四肢攣急者是氣血不足臟腑俱虛月內未滿起早勞役動傷臟腑虛損未復爲風



所乘風邪冷氣初客於皮膚經絡則令人頑痺不仁羸乏少氣風氣入於筋脈挾寒則攣急也〔薛〕肝屬木而主筋前證若肝經風熱血燥用加味逍遙散如不應當用六味地黃丸以補腎水經云風客淫氣精乃亡邪傷肝也仍參前雜證諸風血方論治之一產婦筋攣臂軟肌肉掣動此氣血俱虛而自熱也用十全大補湯而安一產婦手麻服愈風丹遍身皆麻神思倦怠余謂氣血虛弱用十全大補加炮薑數劑漸愈去薑又數劑及逍遙散而痊

芎藭散 治產後中風四肢筋脈攣急疼痛背項強急

芎藭

羌活

當歸各去蘆

酸棗仁炒

羚羊角屑各七錢半

防風去蘆

牛蒡子各一兩炒

桂心

赤芍藥各半兩

右爲咬咀每服八錢水一大

盞半煎至一大盞去滓溫服不拘時

〔薛〕前方如未應當用八珍湯更不應用十全大補湯

防己膏 治產後中風四肢筋脈攣急身體麻痺並宜用之

漢防己去皮半斤

茵芋五兩

右爲咬咀用酒五升浸藥一宿取豬肪脂一斤文武火熬三上三下

成膏攤在紙花上貼病人患處以熱手不住摩膏上



不語

〔大〕人心有七孔三毛產後虛弱多致停積敗血閉於心竅神志不能明了又心氣通於舌心氣閉塞則舌亦強矣故令不語但服七珍散 〔薛〕經云大腸之脈散舌下又云脾之脈是動則病舌本強不能言

又云腎之別脈上入於心繫舌本虛則不能言竊謂前證若心腎氣虛用七珍散腎虛風熱地黃飲大腸風熱加味逍遙散加防風白芷脾經風熱秦艽升麻湯肝經風熱柴胡清肝散加防風白芷脾氣鬱結加味歸脾湯加升麻肝木太過小柴胡加鈞藤鈎脾受土侮六君加升麻白芷鈞藤鈎肝脾血虛用佛手散脾氣虛用四君子氣血俱虛八珍湯不應用獨參湯更不應急加附子補其氣而生其血若竟用血藥則誤矣 一產婦不語用七珍散而愈後復不語內熱晡熱肢體倦怠飲食不進用加味歸脾湯為主佐以七珍散而愈後因怒不語口噤腰背反張手足發搐或小便見血面赤或青或黃或時兼赤余曰面青肝之本色也黃者脾氣虛也赤者心血虛也用八珍湯加鈞藤鈎茯苓遠志漸愈又用加味歸脾湯而痊七珍散

人參

石菖蒲

生地黃

川芎

各一

細辛

一錢

防風

辰砂

別研各半兩

右爲極細末每服一錢薄荷湯調下無時

胡氏孤鳳散 治產後閉目不語用生白礬末每服一錢熱水調下

治產後不語

人參

石蓮肉不去心

石菖蒲各等分

右每服五錢水煎

逐血補心湯 治產後失音不語

紅花

赤芍藥

生地黃

桔梗

蘇葉

前胡

茯苓

防風

牛膽南星

黃連

粉葛各二錢

當歸三錢

薄荷

人參

升麻各一錢五分

半夏二錢五分

甘草一錢

右劉為散分作二服每

服水一鍾半薑三片煎至七分空心服滓再煎服

狂言譫語

〔大〕夫產後語言顛倒或狂言譫語如見鬼神者其源不一須子細辨證用藥治療產後驚風言語亂道

如見鬼神精神不定者研好硃砂酒調下龍虎丹

方見局方

三丸作一服兼琥珀地黃丸服之一則因產後

心虛敗血停積上干於心而狂言獨語者當在乍見鬼神條求之 二則產後臟虛心神驚悸志意不安

言語錯亂不自覺知神思不安者當在驚悸條求之 三則宿有風毒因產心虛氣弱腰背強直或歌哭



嗔笑言語亂道當作風癰治療當在心驚中風條求之 四則產後心虛中風心神恍惚言語錯亂當在中風恍惚條求之 五則產後多因敗血迷亂心經而顛狂言語錯亂無常或暈悶者當於本卷血暈類中求之 六則因產後感冒風寒惡露斬然不行增寒發熱如瘧晝日明了暮則譫語如見鬼狀當作熱入血室治之宜琥珀地黃丸及四物湯只用生乾地黃加北柴胡等分煎服如不退以小柴胡湯加生乾地黃如黃芩分兩煎服便愈雖然以上諸證大抵胎前產後自有專門一定之法毫髮不同如產後首當逐散生新然後子細詳辨疾證不可妄立名色自生新意加減方藥大宜對證依古法施治未有不安者也〔薛〕前證當固胃氣為主而佐以見證之藥若一於攻痰則誤矣 一產婦形體甚倦時發譫語用柏子散稍愈又用加味歸脾湯而愈又因怒仍狂言脇痛小便下血用加味逍遙散以清肝火養肝血頓瘥又佐以加味歸脾湯而安

雲岐奪命散

血暈

治產後敗血衝心發熱狂言奔走脈虛大者

乾荷葉

生乾地黃

牡丹皮

各等分

右三味濃煎湯調生蒲黃末二錢匕一服卽定

局方妙香散

治產後心神顛倒語言錯亂如見鬼神用生乾地黃當歸二味煎湯調服立效

烏金散 治產後三五日或半月之間忽狂言亂語目見神鬼等證

當歸

遠志肉

川芎

酸棗仁

白朮

赤芍藥

香附子

辰砂另研入

熟地黃

羌活

防風各二錢

茯神二錢半

半夏三錢

全蝎

麥門冬

人參

牛膝

天麻各一錢

甘草九分

陳皮

白芷各一錢五分

右剉散作二服水一鍾半薑三片葱三枝入金銀同煎一碗不拘時溫服

四物補心湯 治產後言語恍惚顛倒錯亂

當歸五錢

川芎

生地黃

白芍藥

茯神

半夏

桔梗

白朮各四錢

陳皮三錢

甘草一錢

右剉爲散分作六服每服用水一鍾薑

三片煎至七分空心溫服滓再煎服 有熱加酒炒黃連二錢無熱不用

顛狂

〔大〕療產後因驚敗血衝心昏悶發狂如有鬼祟宜用局方大聖澤蘭散宜自合者方有效 加好辰砂研令極細 每服加一字許煎酸棗仁湯調下一服可安 〔薛〕前證乃血虛神不守舍非補養元氣不可仍參後各

門互用 一產婦患前證或用大澤蘭湯而愈後又怔忡妄言其痰甚多用茯苓散補其心虛頓愈又用

八珍散加遠志茯苓神養其氣血而瘥 一產婦亦患此證用化痰安神等藥病益甚神思消燼余以爲心

脾血氣不足用大劑參朮芎歸茯苓酸棗仁四斤餘而安乃以歸脾湯五十餘劑而愈

大聖澤蘭散 治婦人血海虛冷久無子息及產後敗血衝心中風口噤子死腹中墮藥須臾生

下便得無恙治墮胎腹中攻刺疼痛橫生逆產胎衣不下血運血癖血滯血崩血入四肢

應血藏有患

及諸種風氣或傷寒吐逆咳嗽寒熱往來遍身生瘡頭痛惡心經脈不調赤白帶下乳生惡氣胎藏虛

冷數曾墮胎崩中不定因此成疾室女經脈不通並宜服之常服暖子宮和血氣悅顏色退風冷消除

萬病兼療丈夫五勞七傷虛損等病

澤蘭葉

石膏

研各二兩

卷柏

去根

白茯苓

去皮

防風

去蘆

厚朴

去粗皮薑汁炙

細辛

去苗

柏子仁

微炒

桔梗

吳茱萸

湯洗七次焙炒各一兩

五味子

揀淨

人參

藁本

去苗

乾薑

川椒

去目閉口微炒出汗

白芷

白朮

黃耆

去苗

川烏頭

炮去皮臍

丹參

各七錢半

無萸

微炒

甘草

炙

川芎

芍藥

當歸

各一兩七錢半

白薇

阿膠碎炒燥各半兩

肉桂一兩二錢半

生乾地黃一兩

右爲細末每服二錢空心

臨臥熱酒調下若急疾不拘時日三服

何氏方 治產後因敗血及邪氣入心如見祟物顛狂大辰砂一二錢重研令極細人乳三四茶腳許調仍掘紫項活地龍一條入藥候地龍滾三滾取出地龍不用不令帶藥出但欲得地龍身上涎耳却入無灰酒與前乳汁相和七八分盞重湯溫過疾作分三三服

乍見鬼神

〔大〕心主身之血脈因產傷耗血脈心氣虛則敗血停積上干於心心不受觸遂致心中煩躁臥起不安乍見鬼神言語顛錯醫人不識呼爲風邪如此治疾必不得愈但服調經散每服加龍腦一捻得睡卽安〔薛〕前證若敗血停滯用調經散若血虛發熱用八珍加炮薑若心血虛損用柏子仁散大抵此證皆心脾血少所致但調補胃氣則痰清而神自安矣若果係鬼祟所附卽灸鬼哭穴可愈其或不起者多因豁痰降火攻伐之過也 一產婦患前證或用調經散愈而復作仍服前藥益甚痰涎上湧朝寒暮熱余朝用八珍散夕用加味歸脾湯各十餘劑而愈

雲岐 治產後發熱狂言奔走脈虛大者四物湯加柴胡如不愈加甘草柴胡生地黃等分煎服亦可

女科準繩

卷五 顛狂 乍見鬼神

三十五

廣濟 治產後血暈心悶不識人神言鬼語氣急欲絕見血暈

調經散

沒藥

琥珀並細研

桂心各一錢

芍藥

當歸各二錢半

麝香研

細辛各半錢

右為末每服半錢生薑汁溫酒各少許調服

茯神散 治產後血邪心神恍惚言語失度睡臥不安

茯神一兩去皮木

人參

龍齒研

琥珀研

赤芍藥

黃耆

牛膝各七錢半

生地黃一兩半

桂心半兩

右為末每服三錢水一盞煎至

七分不拘時去滓溫服

治方產一日言語顛倒用蘇合香丸一錢以童便調服即甦

柏子仁散 治產後狂言亂語皆因內虛敗血挾邪氣攻心

柏子仁

遠志去心

人參

桑寄生

防風

琥珀另研

當歸焙

生地黃焙

甘草各等分

右為粗末先用白羊心一個切

片以水一大盞半先煮至九分去羊心入藥末五錢煎至六分去滓無時服與前顛狂譫語門參看

